



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/02-11-4345-4/21
Sarajevo, 12.05.2021. godine

Na osnovu člana 70. Zakona o organizaciji organa uprave u Federaciji Bosne i Hercegovine («Službene novine Federacije Bosne i Hercegovine», broj: 35/05), člana 17. Zakona o javnim nabavkama („Službeni glasnik Bosne i Hercegovine, broj: 39/14), ministrica za odgoj i obrazovanje donosi

ODLUKU

o izmjenama Plana nabavki Ministarstva za odgoj i obrazovanje Kantona Sarajevo za 2021. godinu

Član 1.

Ovom Odlukom ministrica za odgoj i obrazovanje Kantona Sarajevo (u daljem tekstu: ministrica) utvrđuje izmjene Plana nabavki Ministarstva za odgoj i obrazovanje Kantona Sarajevo za 2021. godinu, kao u prilogu.

Član 2.

Odlukom o utvrđivanju Plana nabavki Ministarstva za odgoj i obrazovanje Kantona Sarajevo za 2021. godinu, broj: 11/07-11-4345/21 od 22.02.2021. godine, kao i izmjenama Plana nabavki Ministarstva za odgoj i obrazovanje Kantona Sarajevo za 2021. godinu, br.: 11-07/02-11-4345-2/21 od 12.03.2021. godine, ministrica je utvrdila Plan nabavki Ministarstva za odgoj i obrazovanje Kantona Sarajevo za 2021. godinu.

Član 3.

U skladu sa članom 17. Zakona o javnim nabavkama, Plan nabavki Ministarstva za odgoj i obrazovanje Kantona Sarajevo za 2021. godinu sa izmjenama iz člana 1. ove Odluke biće objavljen na web-stranici Ministarstva www.mo.ks.gov.ba.

Član 4.

Plan nabavki Ministarstva za odgoj i obrazovanje Kantona Sarajevo za 2021. godinu sa izmjenama je sastavni dio ove Odluke.

Član 5.

Ova Odluka stupa na snagu danom donošenja.



Obrazloženje

Presudom Ustavnog suda Federacije Bosne i Hercegovine od 24.02.2021. godine, objavljena u „Službenim novinama FBiH“, broj 20/21 od 12.03.2021. godine, utvrđeno je da Zakon o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo („Službene novine KS“, broj 50/20), nije saglasan sa Ustavom Federacije Bosne i Hercegovine.

Na osnovu navedenog Ministarstvo za odgoj i obrazovanje Kantona Sarajevo je obustavilo sve postupke javnih nabavki, čije pokretanje je planirano za mjesec mart i april 2021. godine.

Dana 05.05.2021. godine Skupština Kantona Sarajevo je na održanoj 36. radnoj sjednici donijela Odluku o potvrđivanju ministara u Vladi Kantona Sarajevo („Službene novine KS“, broj 19/21). U vezi sa donešenom Odlukom, Ministarstvo za odgoj i obrazovanje Kantona Sarajevo je izmijenilo Plan javnih nabavki Ministarstva za 2021. godinu dijelu okvirnih datuma pokretanja postupaka i zaključivanja ugovora.

Zbog otvaranja Osnovne škole na Šipu, koja je u nadležnosti Ministarstva za odgoj i obrazovanje, a čije otvaranje je planirano u septembru 2021. godine, ukazala se potreba za izradu projekta opremanja objekta. Projekat treba da sadrži detaljne specifikacije namještaja i opreme sa potrebnim količinama i projektantskom procjenom vrijednosti.

Ukazala se potreba za nabavkom konsultantskih usluga za promociju kurikularne reforme obrazovanja za potrebe Ministarstva.

Također, od strane UNICEF-a Bosne i Hercegovine sredstva donacije uplaćena su 22.03.2021. godine na jedinstveni račun trezora Kantona Sarajevo u iznosu od 800,00 KM. Ministarstvo će navedena sredstva iskoristiti za nabavku Licenca za video konferencije i webinare za potrebe Ministarstva.

Navedeni postupci javnih nabavki dodati su u Izmjenama Plana Javnih nabavki Ministarstva za 2021. godinu.

U skladu sa gore navedenim odlučeno je kao u dispozitivu Odluke.

**MINISTRICA**
Najda Hota-Muminović

Dostaviti:

Ministarstvo za odgoj i obrazovanje Kanton Sarajevo
Arhiva.



web: <http://mo.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

